

Headlines

1. उपराज्यपाल मनोज सिन्हा होरें अज्ज जम्मू युनिवर्सिटी च अपने आपै च अनोखा इक युवा महोत्सव गूज 2026 दा उद्घाटन कीता। आखेआ जे एहू उत्सव नौजवानें गी शिक्षित करने दा कम्म करोग।
2. मुख्मन्त्री उमर अब्दुल्ला होर कर्नाटक दे हुब्वली च रंजी ट्रॉफी दा फाइनल मुकाबला दिक्खने आस्तै जा करदे न। मैच जम्मू-कश्मीर ते कर्नाटक बश्कार खेड्डेआ जा करदा ऐ।
3. पुंछ जिले च कब्जा रेखा कन्नै लगदे देगवार सैक्टर च इक संदिग्ध ड्रोन दिक्खे जाने मगरा सुरक्षाबलें इलाके च तपाशी अभियान शुरू कीता।
4. डी.जी.सी.ए नै ब्हाई डोआरिणं सरबंधी टिकट वापसी नियमें च बदलाव कीता ऐ।
5. ते जम्मू-कश्मीर च दिनै दा तापमान सामान्य कोला उप्पर-मौसम विभाग मूजब प्रदेश च खुशक मौसम अजें जारी रौह्ग।

<><><><><><>

LG-Goonj Fest.

उपराज्यपाल मनोज सिन्हा होरें अज्ज जम्मू युनिवर्सिटी च इक अनोखे युवा उत्सव-गूज 2026 दा उद्घाटन कीता। 2 दिनें दा एहू कार्यक्रम बक्ख-बक्ख खेत्तरें थमां नौजोआनें गी किट्टे इक्के मंच पर आहिनयै भविक्ख गी सोआरने लेई इक खास मंच उपलब्ध करोआ करदा ऐ। इस मौके पर किट्टे गी संबोधित करदे होई एल.जी होरें आखेआ जे उत्सव नवाचार गी बढ़ावा देने दे कन्नोकन्नी नौजोआनें गी शिक्षित करने दा बी कम्म करोग। एल.जी सिन्हा होरें आखेआ जे सशक्त युवा, भविक्ख गी आकार दिंदे न ते उंदा मनना ऐ जे देसै दे तरक्की-बाद्दे आस्तै रचनात्मकता दे कन्नोकन्नी युवाएं दे नेतृत्व दी लोड हुंदी ऐ। उनें आखेआ जे असें सभनें गी लगातार विकास आस्तै संतुलित सोच ते नवाचार गी बढ़ावा देने पर ध्यान देना लोडचदा ऐ। इस मौके पर बोलदे होई एल.जी होरें आखेआ

<><><><><><>

CM-Ranji Final

मुख्मन्त्री ओमर अब्दुल्ला हुं'दा कल कर्नाटक दे हुबली जाने दा प्रोग्राम ऐ। मुख्मन्त्री कल जम्मू-कश्मीर ते कर्नाटक बश्कार रणजी ट्रॉफी दा फाइनल मैच दिक्खडन। आकाशवाणी जम्मू दे संवाददाता दी रिपोर्ट मुजब मुख्मन्त्री हुं'दे कन्नै हुकमरान नेशनल कांफ्रेंस दे किश सीनियर लीडर बी हुं'दे कन्नै जा'रदे न। मुख्मन्त्री हुं'दी मौजूदगी जम्मू-कश्मीर दी टीम दी हौसला अफजाई करग कीजे फाइनल च कर्नाटक दी तगडी टीम कन्नै जम्मू-कश्मीर दा मैच होना ऐ।

<><><><><><>

Dy CM-Surprise Visit

उपमुख्मन्त्री सुरिंद्र चौधरी होरें सरकारी सेवाएं च पारदर्शिता, जवाबदेही ते समर्थ पर जोर पाया। सिडको दे दफ्तर ते उद्योग ते वाणिज्य निदेशालय जम्मू दी कारकरदगी ते सेवाएं दी दस्तयाबी बारै जायजा लैने लेई अपने चानचक्क छाप्ये दरान उनें इ'यां आखेआ।

<><><><><><>

Search Op. Poonch

पुंछ जिले च कब्जा रेखा कन्नै लगदे देगवार सैक्टर च अज्ज इक संदिग्ध ड्रोन दा पता लगने मगरा सुरक्षाबलें इलाके च तपाशी अभियान शुरू कीता। ड्रोन दिक्खे जाने मगरा फौज दे दस्ते नै एहूदे पर गोलीबारी शुरू करी दित्ती। फौज दी इस जवाबी कारवाई मगरा एहू ड्रोन बन्ने पार वापस परतोई गेआ। शंका ऐ जे एहू ड्रोन पाकिस्तान आहली बक्खी दा भारती इलाके च दाखल होआ हा, पर फौज दी जवाबी कारवाई परेंत एहू परतोई गेआ, जेहूदे मगरा सुरक्षाबलें इलाके च तपाई अभियान रम्भ करी दित्ता। एहू घटना हाल च कब्जा रेखा कश् संदिग्ध ड्रोन गतिविधियें च होए दे बाद्दे कन्नै जुडी दी इक होर घटना दे तौर पर

दिक्खी जा करदी ऐ। भारती फौज हाई अलर्ट पर ऐ ते ड्रोन रोधी सरिस्ते गी सक्रिय करा'रदी ऐ। एह्दे अलावा घुसपैठ ते तस्करी दी कोशशें गी रोकने आस्तै लगातार तपाशी अभियान चलाए जा करदे ना।

<><><><><><>

SHC-Reasi

रियासी जिले च मिट्टी दे नरोएपन आले काई सरबंधी योजना दे लागू होने कन्नै करसानें गी खासा लाहू हासल होआ'रदा ऐ जेह्दे च फसल दी पैदावार च बेहतरी ते करसानें दी औंदन च बाद्दा दिक्खने गी लब्भा'रदा ऐ। भारत सरकार आसेआ 2015 च शुरू कीती गेदी मिट्टी दे सेहत सरबंधी कार्ड आली इस योजना दा मकसद करसानें गी मिट्टी दे पोशक तत्वे दे बारै च तफसीली जानकारी देइयै फसल दी पैदावार गी बेहतर बनाना ऐ। इस कार्ड तैहत मिट्टी दे नमूनें दा प्रयोगशालाएं च विश्लेषण हुंदा ऐ जेह्दे आधार पर फसलें दी बेहतर रड आस्तै हैल बगैरा पाने सारी जानकारी उपलब्ध करोआई जंदी ऐ। इस बारै होर जानकारी दिंदे होई कृषि विज्ञान केंद्र रियासी दे प्रमुख डॉ. बनारसी लाल होरें आखेआ

तोआई, किश करसानें इस योजना दे लाहू बारै जानकारी दिंदे होई आखेआ

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश, कल यानि 28 फरवरी गी दपैहरी साड्डे 12 बजे 'राश्ट्री विज्ञान दिवस' दे मौके पर 30एं मिंटे दी अवधि आहला इक खास कार्यक्रम प्रसारित करगा। इस बशेश कार्यक्रम दा विशेसार होग "विज्ञान दे खेत्तर च महिलां विकसित भारत दी प्रेरणा"। इस बशेश कार्यक्रम च स्थाडियां परोहिनयां होडन- सी.एस.आई.आर-ट्रिपल आई.एम जम्मू दियां चीफ साइंटिस्ट डॉ. सुफला गुप्ता, जेहिडियां इस विशे पर अपने माहिराना बचार सांझे करडन।

<><><><><><>

DGCA-Ticket Refund

नागरिक उड्डयन महानिदेशालय डी.जी.सी.ए नै ब्हाई डोआरिएं सरबंधी टिकट वापसी नियमें च बदलाव कीता ऐ। यात्रु हून टिकटां बुक करने दे 48एं घेंटे दे अंदर-अंदर विजन कुसै बाद्दू शुल्क दे ब्हाई टिकटे गी किश बशेष हालात तैहत रद्द यां फही बदली सकदे ना। इनें बदलावें तैहत एह विकल्प ओहिकयें घरेलू ब्हाई बुकिंगज पर लागू नेई रौहग, जिंदे जाने च 7एं थमां घट्ट दिन रेही गेदे न जां फही ओहिकएं अंतरराश्ट्री डोआरियें जिंदे जाने च 15एं थमां घट्ट दिन रेही गेदे ना। उन्दे लेई बी एह विकल्प उपलब्ध नेई होगा। निदेशालय दा एह बी आखना ऐ जेकर कोई यात्री बुकिंग दे 24एं घंटे दे अंदर-अंदर नांS च त्रुटि दी सूचना एयरलाइन्स गी देई दिंदा ऐ ते ओह्दे नांS गी ठीक करने लेई एयरलाइन्स गी कोई बाद्दू शुल्क लेई लैना चाहिदा।

<><><><><><>

Dar Processing Centre

राईबाई आले खेत्तर च स्वरोजगार गी बढावा देने दे जत्ते दे तैहत कृषि उत्पादन मंत्री जावेद अहमद डार होरें जम्मू दे उधेवाला च फलें ते सब्जियें दे अज्जै-कल्लै दिएं तकनीकें कन्नै लैस इक प्रसंस्करण ते सिखलाई केंद्र दा उद्घाटन कीता। इस केंद्र गी करसानें, ग्रामीण नौजोआनें ते महिलाएं, खास करियै आप सहायता समूहें दे सदस्यें गी कौशल विकास, उद्यमशीलता ते औंदन दे मौके उपलब्ध कराने लेई तैयार कीता गेदा ऐ। किट्ट गी संबोधित करदे होई मंत्री डार होरें आखेआ जे सरकार आधुनिक तकनीकें साइंसी सिखलाई ते मुल्ल बंधाने आली पैहलकदमियें राहें करसानें गी सशक्त बनाने लेई बचनबद्ध ऐ। मंत्री होरें मैहकमे गी मती समर्थ आले सैक्टरें दी पंछान करने ते हुनर पर आधारित सिखलाई कार्यक्रमें दा विस्तार करने दी जरूरतै पर जोर दिता। मगरा पत्रकारें कन्नै गल्लबात करदे होई डार होरें आखेआ

<><><><><><>

JPDCL-Poonch

जे.पी.डी.सी.एल पुंछ नै अज्ज जिले दे ओहके बिजली उपभोक्ताएं खिलाफ मुहिम चलाई जेडे बिजली बिल नेहीं भरदे ऐना। एह्दे नै जिले च बिजली बिल भरने आहला अनुशासन लागू कीता जाई सकोग। सीनियर अधिकारिएं दे निर्देशें पर कार्यवाही करदे

होई जे.पी.डी.सी पुंछ दी इक टीम नै बक्ख-बक्ख इलाकें च छापे मारे ते ओहके उपभोक्ताएं खलाफ सख्त कार्यवाही कीती जिनें बार-बार नोटिस दे बावजूद अपने बिजली किराएं दे बकाए नई जमा करोआए दे ऐन। इस मुहिम दरान टीम नै बकाएदारें दे बिजली दे 6 कनेक्शन कट्टे ते मौके परां तकरीबन 50 ज्हार रपे वसूल कीते। मीडिया आहलें कन्नै गल्ल करदे होई जे.पी.डी.सी.एल दे असिस्टेंट इंजीनियर मोहम्मद फारूक होरें दस्सेआ

<><><><><><>

Weather

जम्मू-कश्मीर च वीरवारें बी तापमान सामान्य थमां उप्पर दर्ज कीता गया। कश्मीर घाटी दे बी मते सारे हिस्सें च तापमान 8 थमां 10 डिग्री सेल्यिस दर्ज कीता गेआ जेड़ा के मौसम स्हाबें मता ऐ। आकाशवाणी जम्मू संवाददाता नै जानकारी दिती ऐ जे मौसम विभाग नै अज्जै आस्तै जम्मू-कश्मीर च मौसम आमतौरा पर खुशक रौहने दी पेशनगोई कीती ऐ। 2 ते 3 मार्च गी किश-किश थाहरें पर बद्दल घनोने ते हल्की बरखा या बर्फवरी दी मेद जताई गेदी ऐ। एदे मगरा 7 मार्च तोड़ी मौसम आमतौरा पर खुशक रौहगा।

<><><><><><>